

图书在版编目 (CIP) 数据

中国历代名诗词背诵手册/清泉, 石上选编. —北京:
中国农业出版社, 2003.5

ISBN 7-109-08315-2

I. 中... II. ①清...②石... III. 古典诗歌—作品集—中国 IV. I222

中国版本图书馆 CIP 数据核字 (2003) 第 026310 号

中国农业出版社出版

(北京市朝阳区农展馆北路 2 号)

(邮政编码 100026)

出版人: 傅玉祥

责任编辑 白洪信

中国农业出版社印刷厂印刷 新华书店北京发行所发行

2003 年 8 月第 1 版 2003 年 8 月北京第 1 次印刷

开本: 787mm×960mm 1/32 印张: 6.5

字数: 80 千字 印数: 1~10 000 册

定价: 12.00 元

(凡本版图书出现印刷、装订错误, 请向出版社发行部调换)

编 选 说 明

本书精选历代名诗词 330 余首，包括了教育部小学、初中、高中语文教学大纲所有推荐背诵篇目。为节省篇幅，仅对原文加以校订，个别字注音，原则上不作解释。读者熟读之后，再慢慢消化、理解。

所收诗词大体上以朝代及作者出生年为序排列。排在前面的有些比较难读，可以越过去，先读容易的。

诗词中的名句以粗体字标出，便于读者记诵。

古代诗词在流传过程中会出现不同版本，个别字句有异，属正常现象，不足为怪。

由于水平有限，不当之处在所难免，欢迎读者批评指正。

编 者

2003 年 5 月



【先秦两汉】

氓

《诗经·卫风》

氓之蚩蚩，抱布贸丝。
匪来贸丝，来即我谋。
送子涉淇，至于顿丘。
匪我愆^①期，子无良媒。
将子无怒，秋以为期。

乘彼坳^②垣，以望复关。
不见复关，泣涕涟涟。
既见复关，载笑载言。
尔卜尔筮，体无咎言。
以尔车来，以我贿迁。

桑之未落，其叶沃若。
于嗟鸇兮，无食桑葚！
于嗟女兮，无与士耽！
士之耽兮，犹可说也。
女之耽兮，不可说也。

桑之落矣，其黄而陨。
自我徂尔，三岁食贫。
淇水汤汤，渐车帷裳。
女也不爽，士贰其行。
士也罔极，二三其德。

三岁为妇，靡室劳矣。
夙兴夜寐，靡有朝矣。
言既遂矣，至于暴矣。
兄弟不知，咥^③其笑矣。
静言思之，躬自悼矣。

及尔偕老，老使我怨。
淇则有岸，隰^④则有泮。

总角之宴，言笑晏晏。
信誓旦旦，不思其反。
反是不思，亦已焉哉！

①愆，音 qiān 千，错过。 ②垝，音 guǐ 轨。 ③啜，
音 xī 戏。 ④隰，音 xí 习。

无 衣

《诗经·秦风》

岂曰无衣？与子同袍。
王于兴师，修我戈矛，与子同仇。

岂曰无衣？与之同泽。
王于兴师，修我矛戟，与子偕作。

岂曰无衣？与子同裳。
王于兴师，修我甲兵，与子偕行。

采 葛

《诗经·王风》

彼采葛兮。一日不见，如三月兮！
彼采萧兮。一日不见，如三秋兮！
彼采艾兮。一日不见，如三岁兮！

关 雎

《诗经·周南》

关关雎鸠^①，在河之洲。
窈窕淑女，君子好逑^②。

参差荇^③菜，左右流之。
窈窕淑女，寤寐求之^④。
求之不得，寤寐思服，
悠哉悠哉，辗转反侧。

参差荇菜，左右采之。
窈窕淑女，琴瑟友之。

参差荇菜，左右芼之^⑤。
窈窕淑女，钟鼓乐之。

①雎鸠，音 jūjiū 居纠。 ②逌，音 qiú 求。 ③荇，音 xìng 杏。 ④寤寐，音 wù mèi 务妹，睡着和醒着。
⑤芼，音 mào 冒，摘取。

静 女

《诗经·邶风》

静女其姝，俟我于城隅。
爱而不见，搔首踟蹰^①。
静女其变^②，贻我彤管。
彤管有炜，说怿女美。
自牧归荇，洵美且异。
匪女之为美，美人之贻。

①踟蹰，音 chí chú 迟除，走来走去。 ②变，音 luán 恋，美好。

硕 鼠

《诗经·魏风》

硕鼠硕鼠，无食我黍！
三岁贯女^①，莫我肯顾。
逝将去女，适彼乐土。
乐土乐土，爰^②得我所。

硕鼠硕鼠，无食我麦！
三岁贯女，莫我肯德。
逝将去女，适彼乐国。
乐国乐国，爰得我直。

硕鼠硕鼠，无食我苗！
三岁贯女，莫我肯劳。
逝将去女，适彼乐郊。
乐郊乐郊，谁之永号！

①女，音 rǔ 汝，你。 ②爰，音 yuán 元，于是。

木 瓜

《诗经·卫风》

投我以木瓜，报之以琼琚。
匪报也，永以为好也。

投我以木桃，报之以琼瑶。
匪报也，永以为好也。

投我以木李，报之以琼玖。
匪报也，永以为好也。

鹤 鸣

《诗经·小雅》

鹤鸣于九皋^①，声闻于野。
鱼潜在渊，或在于渚。
乐彼之园，爰有树檀，
其下维蔕^②。
它山之石，可以为错。

鹤鸣于九皋，声闻于天。
鱼在于渚，或潜在渊。
乐彼之园，爰有树檀，
其下维穀。
它山之石，可以攻玉。

①皋，音 gāo 高。 ②揅，音 tuò 拓。

蒹 葭^①

《诗经·秦风》

蒹葭苍苍，白露为霜。
所谓伊人，在水一方。
溯洄从之，道阻且长。
溯游从之，宛在水中央。

蒹葭凄凄，白露未晞^②。
所谓伊人，在水之湄。
溯洄从之，道阻且跻^③。
溯游从之，宛在水中坻。

蒹葭采采，白露未已。
所谓伊人，在水之涘^④。
溯洄从之，道阻且右。
溯游从之，宛在水中沚^⑤。

①蒹葭，音 jiān jiā 兼加。 ②晞，音 xī 希。 ③跻，音 jī 击。 ④涘，音 sì 四。 ⑤沚，音 zhǐ 止。

君子于役

《诗经·王风》

君子于役，不知其期。
曷至哉？
鸡栖于埭^①，日之夕矣，羊牛下来。
君子于役，如之何勿思？

君子于役，不日不月。
曷其有佸^②？
鸡栖于桀，日之夕矣，羊牛下括。
君子于役，苟无饥渴！

①埭，音 shí 时。 ②佉，音 guó 国。

橘 颂

屈 原

后皇嘉树，橘徕^①服兮。
受命不迁，生南国兮。

深固难徙，更壹志兮。
绿叶素荣，纷其可喜兮。
曾枝剡^②棘，圉果抐^③兮。
青黄杂糅，文章烂兮。
精色内白，类任道兮。
纷缊宜修，姱^④而不丑兮。

嗟尔幼志，有以异兮。
独立不迁，岂不可喜兮？
深固难徙，廓其无求兮。
苏世独立，横而不流兮。

闭心自慎，终不失过兮。

秉德无私，参天地兮。

愿岁并谢，与长友兮。

淑离不淫，梗其有理兮。

年岁虽少，可师长兮。

行比伯夷，置以为像兮。

①徠，同“来”。 ②剡，音 yǎn 眼，锐利。 ③圖，同“圆”。转，同“团”。 ④姱，音 kuā 夸，美好。

国 殇

屈 原

操吴戈兮被犀甲，车错毂①兮短兵接。

旌②蔽日兮敌若云，矢交坠兮士争先。

凌余阵兮躐③余行，左骖殪④兮右刃伤。

霾两轮兮絏⑤四马，援玉枹⑥兮击鸣鼓。

天时怱⑦兮威灵怒，严杀尽兮弃原野。

出不入兮往不反，平原忽兮路超远。
带长剑兮挟秦弓，首身离兮心不惩。
诚既勇兮又以武，终刚强兮不可凌。
身既死兮神以灵，魂魄毅兮为鬼雄！

①轂，音 gǔ 古，车轮贯轴处。 ②旌，音 jīng 经，旗。 ③躐，音 liè 列，践踏。 ④骖，音 cān 餐，驾战车之旁马。殪，音 yì 义，倒。 ⑤霾，同“埋”。紖，音 zhī 执，绊住。 ⑥枹，音 fú 福，饰玉之鼓槌。 ⑦怱，音 duì 对，怨恨。

离骚（节选）

屈 原

帝高阳之苗裔兮，朕皇考曰伯庸。
摄提贞于孟陬^①兮，惟庚寅吾以降。
皇览揆余于初度兮，肇锡余以嘉名。
名余曰正则兮，字余曰灵均。
纷吾既有此内美兮，又重之以修能。
扈江离与辟芷兮，纫^②秋兰以为佩。
汨^③余若将不及兮，恐年岁之不吾与。

朝搴阰^④之木兰兮，夕揽洲之宿莽。
日月忽其不淹兮，春与秋其代序。
惟草木之零落兮，恐美人之迟暮。
不抚壮而弃秽兮，何不改乎此度？
乘骐骥以驰骋兮，来吾导夫先路！

.....

长太息以掩涕兮，哀民生之多艰。
余虽好修姱以鞿^⑤鞅兮，謇朝諝^⑥而夕替；
既替余以蕙纕^⑦兮，又申之以揽茝^⑧。
亦余心之所善兮，虽九死其犹未悔。
怨灵修之浩荡兮，终不察夫民心。
众女嫉余之蛾眉兮，谣诼谓余以善淫。

.....

跪敷衽以陈词兮，耿吾既得此中正。
驰玉虬以乘^⑨鸢兮，溘埃风余上征。
朝发轫^⑩于苍梧兮，夕余至乎悬圃；
欲少留此灵琐兮，日忽忽其将暮。
吾令羲^⑪和弭节兮，望崦嵫^⑫而勿迫。
路曼曼其修远兮，吾将上下而求索。
饮余马于咸池兮，总余轡乎扶桑。

折若木以拂日兮，聊逍遥以相羊。
前望舒使先驱兮，后飞廉使奔属。
鸾皇为余先戒兮，雷师告余以未具。
吾令凤鸟飞腾兮，继之以日夜；
飘风屯其相离兮，帅云霓而来御。

.....

①阼，音 zōu 邹。 ②纫，音 rén 任。 ③汨，音 yù 玉。 ④阼，音 pí 皮。 ⑤鞿，音 jī 击。 ⑥淬，音 suì 岁，骂。 ⑦纕，音 xiāng 乡。 ⑧菝，音 chǎi。 ⑨翳，音 yī 衣。 ⑩纫，音 rèn 认。 ⑪羲，音 xī 西。 ⑫崦嵫，音 yānzī 淹滋。

湘 夫 人

屈 原

帝子降兮北渚，目眇眇兮愁予。
袅袅兮秋风，洞庭波兮木叶下。
登白蘋^①兮骋望，与佳期兮夕张^②。
鸟何萃兮苹中，罾^③何为兮木上。
沅有菝^④兮澧^④有兰，思公子兮未敢言。

荒忽兮远望，观流水兮潺湲。
麋何食兮庭中，蛟何为兮水裔？
朝驰余马兮江皋。夕济兮西澨。
闻佳人兮召予，将腾驾兮偕逝。
筑室兮水中，葺之兮荷盖。
荪壁兮紫坛^⑤，播芳椒兮成堂。
桂栋兮兰橈^⑥，辛夷楣兮药房。
罔薜荔兮为帷，擗蕙櫨^⑦兮既张。
白玉兮为镇，疏石兰兮为芳。
芷葺兮荷屋，缭之兮杜衡。
合百草兮实庭，建芳馨兮庑门。
九嶷缤兮并迎，灵之来兮如云。
捐余袂兮江中，遗余褋^⑧兮醴浦。
搴^⑨汀州兮杜若，将以遗兮远者。
时不可兮骤得，聊逍遥兮容与！

①焱，音 fán 凡。 ②张，读 zhàng 丈。 ③罍，音 zèng 赠，捕鱼工具。 ④澨，音 lǐ 李。 ⑤坛，读 shàn 善。 ⑥橈，音 lǎo 老。 ⑦擗，音 pì 僻。櫨，音 mián 棉。 ⑧褋，音 dié 蝶。 ⑨搴，音 qiān 千。